

畏齋薛先生藝文類稿

藝文類稿目錄

卷之一

雜文

象原上

象原中

象原下

主靜說

大學說

中庸說一

中庸說二

說松贈楊石卿編脩

原學

讀呂氏春秋淮南子

稽德篇贈魏及齋兵憲

保定守汪君堅字說

補侯生說項羽筆

四

鄉原

卷之二

書

荅李中溪大尹書

荅王梓谷通府書

與羅念菴中允書

與徐正邱陽濱書

與王正郎龍谿書

與徐方伯波石書

與唐荆川內翰書

與蕭鶴臯道長書

與曾華山道長書

與程松溪大史書

與孫蒙泉掌科書

與錢緒山憲部書

與董嘉嶺道長書

與林退齋提學書

荅戶部王少月書

與何吉陽太僕書

與錢鶴洲大尹論內地

二堡事宜書

與金前涼論沿江築保事宜書

與任棠太守書
復周觀所太守書

示造兒書
與朱近齋書

與王仲山書
與杜尹論量田事宜書

卷之三

書

與總制周石崖書
與何鳳野推府書

復金中石大尹書
與王濫川兵憲書

荅華補菴正郎書

賊退後復金前涼太守請賑恤書

具列見所大恐論防夷事小書

與金尹議立銀侯祠書

與金尹論賊勢書

與王素菴書

與黃斗南道長書

荅人論養生書

與董北山僉憲書

荅張石川通叅書

與人論易書

上閣老徐存翁書

卷之四

書

與曹龍田貳守論均徭事宜書

荅陳生書

與王暘谷大尹書

示門人書

荅李上舍某書

與卞廷旂書

辭縣大夫請書院中講學聘幣書

再辭本縣學師生書 與文峯陳大巡書

與何吉陽少宰書 荅杜大士書

荅黃穀所道長書 與林艾陵戶部書

荅陳儀部南衡書 與周衛陽推府書

與漕運南岷王公書 與巡撫觀所周公書

與李潑川大行書 荅朱鎮山尚書書

卷之五

記

保定府重修儒學記

瀘州按察分司大觀臺記

諸葛武侯祠記

歸鶴橋記

浮玉亭記

鶴泉記

泮宮圖記

信豐縣重修儒學記

尊經閣記

江陰縣新築楊舍城記

諭祭前太常卿張公碑文記

凝恩樓記

河北墳地圖記

邑侯王公生祠記

卷之六

序

贈蔣道林序

盧日休字序

物外英豪錄序

贈郭文麓憲副之任序

贈邑尹毛雙渠序

達意稿序

贈林艾陵序

贈判官俞子序

贈憲副余東臺之任序

燕子磯集序

贈傅中實少府序

贈憲副陳少岳序

五經明音序

刻傳習錄序

卷之七

序

痘疹正宗序

贈教授李南麓序

贈周司詞序

贈朱希桂遷郊西序

象山語錄序

贈錢懋序

表忠錄序

贈少府吳竺原述職序

贈曹尉序

贈水南張公七袞序

贈毛貳尹序

贈鈕石谿遷守太平序

贈靖江應尹序

卷之八

序

送金中石大尹序

送府推何鳳野序

篤行錄序

道德經解序

紀績錄序

壽徐母陳宜人七十序

壽朱孺人六十序

贈金前淙憲副擢任江西序

贈侯教諭序

卷之九

序

傳燈要語序

大家文選序

并跋

贈邑侯王西澣臺獎序

易象大旨序

劍南文序

贈周衛陽節推序

贈大中丞周公總制江右序

贈邑侯王西澣遷官戶曹序

賀郡守湯公心蘇常四府兵備序

贈林石溪序

童司序

卷之十

誌文墓表

明故兵馬指揮使張君墓誌銘

怡仁薛翁墓誌銘

薛子正墓誌銘

張孺人顧氏墓誌銘

承母須孺人墓誌銘

鄉進士姚君墓誌銘

薛延墓誌銘

明兵部右侍郎胡公神道碑文

處士徐君墓表

一

祭文
賁銘傳

祿少卿鶴洲錢公行狀

亡荆邵宜人行狀

陳子達哀詞

禱雨文

祭龔君文

祭江東神文

祭鶴洲錢公文

祭任母趙孺人文

祭唐太守有讓文

薦陣亡勇士疏文

祭王宜人文

祭唐荆川文

祭張光祚文

祭水南張公文

祭黃處士文

祭封君劉午山文

自贊

雙梧龔君像贊

達摩隻履面像贊

并跋

銀海重光偈

并跋

雙檜圖贊

壽公君夫婦

悟空塔銘

詞銘

得心經石刻列之屏障紙不足以偈補之

李君秋崖傳

存齋先生教言跋語

卷之十二

時務

慶豐南鎮事宜呈請軍門題准疏畧三條

代縣請添官設縣議 代圍城請援兵呈子

倭寇邑中與王兵憲鑑川論防守事宜三條

糧使議

兵儲或問

庫役或問

水利事宜三條

卷之十三

詩

謫官

采石吊李白

京口別蕭鶴臯侍御李介堂工部

登金山

留雲亭

擬寒山拾得二首

登黃鶴樓

過洞庭

遊東林寺

妙高臺

江頭夜宿

重過覺林寺

遊青神岩二首

凌雲山

滕王閣送友人之海南

江道中有懷蘇舜澤

念菴不遇

峽江對月

觀風八絕

羅峇謁濂溪祠

會昌閣武

吉驛中檜

董大理璜溪劉亞卿梅谷兄訪小集

贈選部趙子官金陵宿諸天閣

東湖聯句偕應容菴何沅溪王同野

初秋燕集蒲谷公署聯句

舜澤驛中避暑聯句

新秋宴蒲谷署分韻用楓落吳江冷得江字

聞吳雲泉憲副棄官閑言二首

七夕分韻得數字登城北樓分韻得臨字

返照分韻得蒙字空城雀

行雲

與楊石二憲長赴飲方傳二闌御宅

石城行臺中有長松數株百餘年物也感而賦
此

行路難

贈言二首送李中丞臺南

夏日與諸生夜坐

偕荆川宿白雲堂

念菴從江右見訪遂約荆川爲橫山之行二宿
而別

雨中登天池絕頂

宿玄墓

示諸友

贈廬子

王龍谿胡渡南王素菴昆季暨任虞二生月下
見過泛擬湖池

胡波南誦楞嚴玄覺小詩問訊

輓醫士承菊潭三首 善卷洞

玉女潭 張公洞

訪荆川不遇 行止軒

東九 遊牛首山

宿牛首山房 文殊洞

小星槎 三藏菴訪勤上人

登凝峴臺

九日偕徐訥齋李春林諸友登秦望山時訥齋

有陽羨之行并以為贈

喜雪五首 小樓新成

壽顧兩山

季秋崖七十

姪延病久得攝生法爲予老境之資喜而賦
閱呂氏荆花有感

寇退歸園

生居

寇退無居權構小樓鵲巢其棟

胡渡南見示擊缶篇口號問訊

長生

示逢兕四首

造兕患疹毒詩以解之

擬湖池觀荷

清溪卽事五首

郊行紀事三首

遊石簪山

水南有詩來用韻奉答

再和石灣沈子用前韻

春仲陽羨舟中遇雪五首

遊定山

趙葵軒許惠石岩花詩以促之

贈明州施山人二首

卷之十四

詩詞

興國寺浮圖合尖梓人運大木如舉羽水南有
作和韻二首

水南再以詩來用前韻奉答

悟空寺修塔工完王仲山僉憲黃斗南道長各

以詩來依韻奉答

避暑道院開壁間心經石刻

宴吳寓菴光祿園亭二首

池亭漫興

喜雨寄董北山僉憲時攝縣政

示迎兒

訥翁許見教坐法詩以迓之

寄荆川

倭寇薄城被傷而死者百二十餘人既買地棺
而塋之因吊以詩

國殤已塋而祀典未行詩告縣大夫

錢侯遇冠馬卒楊城衛之以身并遇害

喜雨

七月七日大風

鵲巢爲風所墮詩以唁之

庠師暨通邑諸友以予六旬持文稱觴爲壽小

詩致謝

人生

博學

樓居

濟南守劉應谷招遊太山不果

壽人同年六十

寶刀歌

自儼

李鎮樓見招遊小石灣

得孫

沈文叔談雲臺石屋之勝賦此

六十自壽二首

春林使者惠菊而不以告戲言寄謝

贈邊竹所道士

輓同年楊鶴臺憲長

積水

期連江給事山遊

辛酉大水和水南學士韻

題上得朱秋潭功成身退卷

歲晚

除夕譙高尹公署用韻

大雪用韻

元夕陪諸公讌集再用前韻

贈別陳宜峯憲副

辛酉春仲之半城中玉蘭已凋而小圃如故意

若待予歸者因而賦此

清明日遊黃山和韻

送李激川大行奉使還京

喜雨柬河東大尹

壯筆堂四絕和水南韻

曉望

忘飢亭爲龍谿王君賦

友泉吟贈饒山人

同張靜思長科黃斗南道長安膠峯會憲夜泛

芙蓉湖

九月七日遊慧山是日雨

徐君陽濱六十詩以壽之

登樓

荅丁南遼陽見寄

田家卽事

卽景

清溪草堂

題延陵勝覽圖

偕陽濱憲部應谷憲副連江給舍遊虎丘用韻
宴佛國寺贈毛雙渠道長

金陵道中

過江訪王賜谷

水亭翫月

壽朱翁

挽廬子

贈鄧薇山作客山東幕府

學道

張氏園中海棠

病起書懷四絕

氏州第一

杜枝香

附錄

薛次公傳

長壽薛先生藝文類稿目錄終

畏齋薛先生藝文類稿卷之一

南京戶部郎中門生徐材編輯

戶部郎中門生沈奎校正

雜文

象原上

或問說卦云參天兩地而倚數何也曰數者象之原也
數始于一而寓于方圓凡物之圓者其徑一其圍必三
三者三其一也方者其徑一其圍必四四者兩其二也
心兩之合則爲五而天地之生數備矣一得五而成六
二得五而成七三得五而成八四得五而成九五得五
而成十而天地之生數成矣生成之數備而百千萬億

之數不可勝窮矣此數之所以起於參兩也法象莫大乎天地故以天地爲準焉曰河圖未出之前亦有易乎曰天一地二之數卽畫前之易也天之數一三五七九卽陽儀也地之數二四六八十卽陰儀也合一二三四六七八九而居于四正卽四象也析一二三四六七八九而居于八方卽八卦也合五與十居中虛而不用卽太極也此聖人仰觀俯察遠求近取而於兩儀四象八卦中虛之理固已超然默會於其心矣偶因默文而得龍馬之圖遂從而則之龍馬之數神道也此聖人以神道設教也雖無圖獨不爲之畫乎曰大傳旣發天一地二之數復繼之以大衍之數何也曰凡明畫卦之法也

蓋聖人作易將以開物成務也八卦既畫象斯顯矣而無所于寄於是設爲著揲之法董以卜筮之官以盡神鬼之謀使人人可以與能此大衍之數所由作也曰易者無文者也八卦以象告爻彖以情言剛柔雜居而吉凶可見矣文王周公孔子何以復繫之辭也曰此明觀象之法也象者理之寓也卜筮之官守其法而不能悟其理則聖人開物成務之意隱矣於是文王周公觀象而繫之辭將使學者觀彖象而以是法求之則彖象之理以明觀爻象而以是法求之則爻象之理以明爻之辭無非此意至孔子又卽其所繫者而發明之以附于彖繫象繫之下以明聖人之所以觀象者其法如此

則辭非虛文而象亦非虛器矣此又孔子示人之微意也曰孔子於彖爻之辭而爲之傳足矣又爲十翼之辭何也曰所以廣觀象之法也夫易道廣矣大矣不可以一端盡也故聖人廣爲之說以示人是故有觀於一卦之象而得之者文言是也有觀于一爻之象而得之者繫辭中中孚九二爻之類是也不盡爲之辭者舉例也有觀于重卦之象而得之者小象也有通六十四卦而發設卦觀象之旨者繫辭上下傳是也有觀于先後天畫卦之旨上下經序卦之義與夫近取遠求而象其物宜曲暢旁通而發其一義則有說卦序卦雜卦諸篇在焉蓋觀象之法旣得則無物非象無象非理皆可以心

悟而得之此方術之家如曆律如養生家理術之大小不同而皆可通于易者由有得于觀象之法也曰術家之有得于觀象之法也亦可通于道平日術有大理無大小如律之元聲曆之中氣養生家之玄牝皆中虛之義推而極之卽精一之旨也說者謂濂溪太極圖出于養生家正此意也顧經生學士泥其辭而不能通于象弁其原而失之則觀象之法不明又不若術家之能守其法爲餽羊猶存也此易象大旨之所以作也

象原中

或問圖之虛中數也吾子以爲卽精一之旨如何曰理氣合一者也虛與一通理氣而言者也虛可以言氣亦

可以言理則太虛之虛與靜虛之虛一也一可以言理亦可以言氣則一理之一與一氣之一非有二也一則不雜不雜則精虛則不滯不滯則神大傳云一閭一明一陰一陽者一之謂也精而不雜者也又云往來不窮陰陽不測者虛之謂也神而不滯者也聖人恐人未明理氣合一之旨往往於象數之中而指其不囿于象不囿于數者示人不囿于象者虛也不囿于數者一也如云周流六虛六爻皆象也虛其不可象者也大亨之數五十用止四十有九而一不可見可見者用數也一其不用之數也然虛雖無象而三百八十四爻無非虛之象一雖不用而四十九之數無非一之用則其不囿於

多數者固已寓於象數之中矣學者即此可象其
其不可象卽其可見而心悟其不可見則凡物之所得
而象可得而數者莫不有虛與一在焉然後知人心之
外無道心人心之虛而一者卽道心也氣性之外無德
性氣性之虛而一者卽德性也虛而一則虛非無物而
不失之空一而虛則一非有物一不失之執此伏羲之
圖堯舜之十六字所以爲千萬世道學之源而執一之
教多方之學知有氣而不知有理者胥失之也虛中之
旨精一之義夫安有二乎哉

象原下

或問太極一圖舊名心悟圖周子易而爲太極何所取

義也曰此從大傳易有太極來大傳所云乃夫子會河
圖之理成文雖不爲圖圖在其中矣如云易有太極卽
河圖虛中之象也太極生兩儀兩儀生四象四象生八
卦卽河圖一二三四五六七八九之數分而爲二爲四爲
八之象也八卦定吉凶吉凶生太業卽河圖八卦重爲
六十四卦以定天下之吉凶成天下之亹亹之象也然
虛中雖不用而兩儀四象八卦無非虛中之用則虛中
者乃理之至極而無以加者也故謂之太極而揭其名
於兩儀四象八卦之上以明太極之不囿於數又謂兩
儀四象八卦皆生於太極則此太極者卽兩儀而在兩
儀卽四象而在四象卽八卦而在八卦夫亦不離於致

者也易者交易變易之云也交易云者橫圖一畫分爲
奇偶奇偶之上各加一奇一偶以極于三有陽交于陰
陰交于陽對待立體之象故謂之交易所謂剛柔者立
本者也洪範曰貞是也變易云者三畫已成八卦已立
由此相摩相盪以成六十四卦使占者隨其所值之爻
變而通之神而明之以通天下之志決天下之疑定天
下之業有陽變爲陰陰變爲陽流行政用之象故謂之
變易所謂變通者趨時者也洪範曰悔是也交易變易
無非太極之所爲於此見易之中有至極之理而非氣
數之謂也此夫子立言之意也雖不爲圖圖在其中矣
後之觀象者心悟其旨於是規一圓圖而虛其中以象

太極而以陽動陰合象兩儀五行象四象成男成女象八卦萬物化生象六十四卦而各爲之圖以象太極之各具其說似矣然未明理氣合一之旨知夫子之言本於畫而不知夫子立言之意主於理且疑易有太極之有若真有一物然者旣昧其理而又泥於詞則夫子之意不明由是養生家得竊之以自私而以萬物化生爲形化言男女構精而生萬物也以成男成女爲氣化言二氣妙合而成男女也太極爲神而云易逆數也逆而求之可以成仙遂有積精生氣積氣生神之說而世之貪生者趨之不知神也者妙萬物而爲言者也精與氣猶滯於物也物則不通以此言神其神乃形遊八極

之神而非陰陽不測之神。然聖人開物成務之具而爲自私用知之術。何以盡性命之理。通神明之德哉。故周子正名之爲太極。而指中正仁義之理。示人以明聖人之所以立人極者。其道在此。順此而修之。則爲君子。逆此而悖之。則爲小人。養生家之說。引天下於小人之歸。害道之大者也。然後夫子太極之旨明。而太極圖說所以繼萬世道學之傳也。其闢邪衛道之功大矣。曰太極足矣。復云無極。何也。曰此命辭之法。其造語甚輕。先儒視之過重耳。蓋徇生者既執而爲有疑。若夫子之言有真爲有極也。故曰無極。而太極言所謂有太極者。乃無所謂極。而有至極之理。云爾。非真有是極也。又曰太

極本無極言陰陽五行雖由太極而生然求其所以爲太極者而不可得則所謂太極本無有極也周子立言之意不過如此晦菴先生以樞紐根柢字比擬之則視之太重而極爲實字似若夫子之言尚爲未瑩必以無極字補之而後明旣失夫子言有之旨象山先生又以爲贅辭而欲去之不知周子闢邪衛正之功全在無極二字去此二字則養生家猶得以氣而混理而周子言無之意亦不明矣凡先儒立言各有攸當此章但平心玩之如云易有太極無極而太極太極本無極只如此玩味自明正不必多爲之說以文害辭也

主靜說

天地聖人之道靜而已矣。普物無心者，天地之靜也。順事無情者，聖人之靜也。君子之學，主靜而已矣。曷其主之無欲？是已。曷其無之克？已。是已。戒慎恐懼克之之功也已。克則欲無，無斯靜矣。曰：戒慎恐懼有覺乎？無覺乎？曰：有覺也。曰：有覺則涉于動矣。曷云靜？曰：動靜者，時也。覺者，吾心之本體。貫動靜而言者也。靜而覺焉，靜固靜也。動而覺焉，動亦靜也。無時非覺，則無時非靜。曰：戒懼慎獨，不有分乎？曰：無分也。中庸云：君子之所不可及者，其惟人之所不見乎。人之所不見，已之所獨見也。人之所不聞，已之所獨聞也。不見不聞者，獨知之地。而戒懼恐懼者，謹獨之功也。獨無不謹，則用無不和。夫是之謂

致中也物無不格夫是之謂致知也學無不博問無不
審夫是之謂尊德性也致中也致知也尊德性也其名
雖異其功則同故戒懼以慎其獨者過人欲之事而爲
存天理之功非有二也二之則偏枯矣曰然則專言致
中可矣何必復言致和曰要其極則專言寂然不動可
矣何必復言感而遂通然非感而遂通則寂然不動于
何而驗之立言之法也故致和者致中之驗也格物者
致知之驗也道問學者尊德性之驗也猶天地之心於
復見之也故曰天地聖人之道靜而已矣君子之學主
靜而已矣主靜之功克已而已矣性情非二物中和非
二事則致中致和亦無二功由此推之曰精一曰一貫

曰博約忠恕皆一理也是則體用一原顯微無間夫是之謂主靜

或問主靜與守靜何別曰守靜是矯枉之說老子以周末文勝爲守靜之說以矯之此靜字與動字相對以靜爲體以動爲用欲人專於根本處着力故云守主靜是一理自運動靜互根則動極而靜靜極而動一理之通如循環然而吾心未嘗有動未嘗有靜此靜字貫動靜而言動靜之主也周子恐人於境上求之故又自註云無欲故靜明無欲便是靜不當於境上求也主靜是五穀養生之主守靜是藥石療病之方如西方之俗棄禮義蔑人倫頑犷益甚則守靜之

說亦無可施故釋氏之教直欲禁制五欲閉絕六門
專於迹上引導之此豈人情所堪蓋療危急之症不
得不爾也學者但識得藥性則二氏之教留備一方
亦自有用處但不可用爲養生主耳

大學說贈孔文谷編脩

明德親民止至善卽良知良能之全體也道以器寓故
雖良知良能童子之所本有亦必假洒掃應對之具以
養之養之雖以其具而所以養之者固在全其知能之
良不在習其事也養之而久知能已全而無待乎其外
卽爲明德親民止至善卽爲大學大學者卽存乎幼小
所學之中以習其事而言謂之小學以悟其理而言謂

之大學小學之外無大學小學之熟卽大學道器合一
離器則無道洒掃應對與精義入神一理也何以知洒
掃應對之通於性命也洒掃應對雖事而所以洒掃應
對者以心由心而洒掃而應對則所以爲之者將以習
其心也旣出於心旣以習其心則良知不蔽處卽明德
也良能不奪處卽親民也明德親民非性命之理而何
信乎小學之事卽大學之功非有二也若曰學有大小
工有精粗小學乃粗淺之迹而非精微之理則心迹有
二矣離迹於心則其迹也僞旣習於僞豈復有大學之
可求本心之可得乎其所謂進於大學云者乃德至此
而漸進學自此而漸成如志學以至而立乃自得之妙

以其大於道者言耳世之學者膠滯口耳不知精粗本末合一之功明德親民止至善爲不落口耳不涉擬議之地而於小學之外別立大學之法以爲某項工課童子所習也通曉其事而已此爲小學某項工課大人所習也講明其理而已此爲大學而於事心之功一無所求則不惟失小學之旨并所謂大學者而失之矣以此窮理是乃求之事物而不求之本心以此致知是乃習之聞見而不習之本心寧不兩失之哉昔者顏子之論學也自謂求之於事而有高堅前後之疑求之於心始有卓爾之妙豈高堅前後之外別有所謂卓爾乎學之而孰并高堅前後者而忘之卽卓爾之境也然則所謂

大學者可知矣此顏子之學所以爲見道也曾子之爲此書其在唯一貫之後乎忠恕是小學一貫是大學支離者失之固頓悟者失之虛皆非也孔君文谷與予相遇于上谷論及大學辱以予言爲信臨別索贈書予說以貽之時嘉靖丙申八月日也

中庸說一

天命之謂性氣質非性也若舜之知淵之仁子路之勇命諸天者也不囿于氣質者也率性之謂道人爲非道也若舜文武周 孝孔子之九經率諸性者也不假於人爲者也性命于天不囿於氣夫人而皆有是性也道率天性無待於人夫人而皆有是道也而何事於教乎

蓋性雖不囿于氣而不能不寓於氣人之一身氣爲之也性卽所命于天之理以主乎是氣者也氣有不齊而理則一理立則氣循之而道得矣理不立則氣無所循而道非其道矣教也者所以立命而修其道者也故聖人之修道初非外性而爲之也不過卽其所命于天者而敬以持之戒慎焉恐懼焉不敢少縱其主宰之司焉若此者皆性之所爲而天之所命無少氣質之累以參乎其間者也斯意也動于身則爲敬敬也者所以修其身也學之道也發於口則爲信信也者所以修其辭也問之道也然學可以矜持而得之間可以矯飾而文之矯飾之行矯飾之言似道而非道者也以此爲教似教

而非教者也似道之道聖人不以爲道也似教之教聖人不以爲教也聖人之所以爲教者其惟戒懼于人之所不覩恐懼于人之所不聞乎不見不聞者一念之萌天人之介人之所不見而已之所獨見人之所不聞而已之所獨聞也于此而戒慎之恐懼之則天命之性皎然明白潛私伏慝無所遁逃當此之時雖未有動之可指而敬之理已具矣雖未有言之可稽而信之理已具矣夫敬于未動之先則所行皆道而助襲不足以亂之信於未言之先則所言皆道而口說不足以眩之以此推之禮樂而禮樂皆道也有無體無聲者先之也以此達之政刑而政刑皆道也有不賞不怒者先之也此之

謂尊德性而道問學言所問所學莫非尊奉德性爲之而不敢自爲也蓋卽其不見不聞之中而天德王道已全聖人所以盡已之性以盡人物之性者不外乎此故修道之功至戒慎恐懼而極而慎獨一事乃天道人道之所同歸聖人所修以爲教而君子所由以爲學者也其在虞廷則曰人心惟危道心惟微惟精惟一允執厥中人心者氣質之性也道心者天命之性也精一者慎獨之功也天命之性寓于氣質之中有精一之功以持之則雖不言所執而中道允執率性在其中矣以其可信故謂之允執允之云者取必於心莫見莫顯之意也一之云者不二其功必慎獨之意也聖賢殊

途合轍自孔子沒微言絕天命之性不顯而精一之學不傳始有似中庸而非中庸者出焉子思子憂之此中庸之所以作也

或問此說於靜存動察之說得毋相背否曰一念方動人未有知于方動之時而省察之卽是于人所不知之地而存養之靜存動察非一事也過人欲便是存天理克己以復禮無二功也

中庸說二

昔者聖人之制禮也宏綱三百鉅目三千所謂盛矣然皆本發育峻極之理出之發育峻極者天命之性也三千三百者率性之道也道原于性則三千三百皆吾所

性之德無內外無隱顯體用一原者也學者專承是性
慎之于人所不見不聞之中而嚴之于十日十手所指
視之地于凡所問所學無一不由乎此必使視聽言動
悉管攝于此禮之中而幾微萌動莫非天命之性爲之
主宰則廣大高明之體不失而精微之蘊中庸之則萃
于此矣良知良能之體不失而日新之德富有之業基
于此矣此之謂修此之謂凝此之謂合內外蓋不離獨
知而時出之用已寓于溥博淵泉之中矣由此而在上
也則本是德以操制作之權而不敢有驕焉不驕云者
既有是德必有是道道從性出于吾無所加也雖欲驕
焉而不可也由此而在下也則本是德以守時王之制

而不敢有倍焉不倍云者以吾之德行吾之道性與道
合于吾無少異也雖欲倍焉而不能也卽此觀之則三
千三百之禮孰非發育峻極之實事而爲經綸叅贊位
育之極功哉世衰道微學者不知天命之性而失道之
原則三千三百乃爲煩縟之文強世之具始有假而爲
之者又有欲棄而絕之者假而爲之是失其性也五伯
功利之術也非所謂不驕者矣棄而絕之是塞其性也
老莊虛無之教也非所謂不倍者矣性可失乎性可塞
乎子思子憂之于是發明天命之性探道教之原而揭
尊德性之功以示人使人知自源而徂流循性以求道
則無是德者必不能安是道而道不可假矣道不可假

而功利之說有所不行矣有是德者必不能外是道而道不可絕矣道不可絕而虛無之說有所不行矣功利之說不行而王道明虛無之說不行而異端熄夫然後天命之性率性之道得以大明于天下而三千三百之儀至于今不墜者職此由也孟子黜伯功闢邪說而必道性善其意亦由是也孟子之言博而詳子思之言精而約衛道之心一而已矣

或問子于老莊之教闢之如此而有取于守靜之說何也曰他說見素抱朴少私寡欲于救時之論自是好深得夫子寧固寧儉之意只是不合說撻提仁義絕滅禮樂夫仁義便是性禮樂便是道有是性必有

是道有是仁義必有是禮樂若并仁義而絕去之則所謂素朴者爲何物耶此是他見道未精處大抵三代而下諸子論道者往往以氣爲性以仁義爲外素朴之說亦指氣而言耳故謂仁義可以棄絕彼若知天命之性則不敢爲此論矣又問五伯假之而夫子何以取其功曰禮樂之道聖人本諸身而出之雖桀紂也廢他不得而况五伯尤知假仁義以文之則比于絕滅之者相去遠矣夫子取之乃愛禮存羊之意

說松贈楊石卿編脩

自根幹以達於枝松之生無可少者然滋長於中則剝落於外至於叅天而爲茯苓爲琥珀則故質渾脫木之

氣亦盡矣學者讀聖賢之書以治心養性日積月累而
不能擺脫剝落以自振於言語文字之外求其進豈可
得哉甲少有志於學亦嘗悉精力以從事於世俗之所
好而聰明限量欲進不能竊疑聖人設教將使智愚賢
不肖者咸歸于中而予獨自限如此殆不然乎辛卯適
楚行長沙之山中見長松千尋其皮膚蹙縮如龍鱗皆
委蛻於地因悟聰明才辨世人所重而在我視之則無
所可用今欲強其力之所不及以希其無所可用此吾
所以自背於聖人也於是息精反已稍自安焉而積習
內牽刊剝難盡能自脫落者亦寡矣石卿楊君以英邁
之年冠制科節義文章動天下而歛華就實刊剝俱盡

嘗扁舟訪予瀘陽與予燕處終日不見其有異也而神明蘊藉未占有孚噫此吾昔日之所疑終身之所求而未得者乎予行未能力方幸親炙以就正焉而君告予以將去且曰吾書屋成矣未有揭者子爲一言予惟舜之居深山顏子之終日不違不越楊居之所志者君試退而與愚夫野人處驗其所謂幾希如愚者而盡心焉則舜顏不遠卽木氣俱盡之時矣作說松以贈且自警

原學

聖人之學五經四書是也五經四書所載道德性命之原仁義禮樂之旨皆聖人之道也聖人之道不出乎道德性命仁義禮樂則凡誦道德性命之言而能說其意

習仁義禮樂之旨而能修其容者皆可以爲聖人也然
而今世學者能誦道德性命之言而說其意習仁義禮
樂之旨而修其容者爲不少矣其皆可以爲聖人乎卽
是而爲聖人則疑其有未盡然者余是而求爲聖人聖
將安在哉噫是誠所以爲聖人也顧聖人之於五經四
書也非以能誦是書而遂以成聖也乃得之於心而形
諸其口成諸其書者耳苟皆其得之心而形諸口成諸
書者不謂聖人在是而可哉然其不以能誦是書而成
聖也則夫吾人之所以學聖亦有在於我不專在於書
者矣學聖人者不專在書而吾之於五經四書徒煦煦
焉說其意修其容以能是陳迹爲聖人則於所謂得之

心者不其遠乎不得之心而形之言則凡所謂道德性命仁義禮樂者皆非我有其不爲聖人也果非虛矣豈惟不入於聖將矯誣終身焉雖然由今之學雖未可遽謂聖人然所以卒造聖人而自得乎道德性命仁義禮樂之實者固此學也求在我而已噫是可以讀五經四書也已作原學

讀呂氏春秋淮南子

右二子書皆秦漢間遊士祖老莊遺意而爲之者也然其辭多剽襲比老莊則淺矣而皆有以自見於後豈非得其所自立歟凡學問之道反觀必明明則通務博必至至則塞老莊之學槩以道之大全雖未盡合而皆反

觀約取確有定見此其所自立者也故其精神意氣橫
出旁通有所感發述之者皆足以成家而觀之者亦必
有所自得而不忍廢然則此書之傳雖欲已得乎噫世
之學者立言示後非不欲傳而無辭莫說卒不聞有所
自立亦無怪其不足感人也已故予深有取于二書以
爲務學不知要者之戒

稽德篇贈魏及齋兵憲

夫設五采施文章所以章視也然天之明不存焉雖有
采色文章莫之覩矣布五音陳六律所以章聽也然天
之聽不存焉雖有五音六律莫之聞矣天聰明者不待
飾而存不待見而章寓於耳目之中而超於視聽之表

者也治者之所以爲治學者之所以爲學胥此而已矣
聖學不明人各囿於偏見語道術者遺器而言道而不
知采色文章五音六律卽天之聰明也論政理者遺道
而言器而不知天之聰明卽采色文章五音六律也若
此者不足以言學矧可以言治乎無惑乎秦漢而下治
不三代若也朝廷軫念東南之民瀕海之地設爲重鎮
董以憲臣擇端方博大才敏之士開府其中付之兵刑
之任下至錢穀水利之司無所不統當是任者鮮有不
鞠躬盡瘁者也然而感化之本不與焉感化之本其天
之聰明乎及嘉魏公與其伯仲昆季講學於陽明王先
生之門潛心乎致良知之說躬體力踐動必求心故其

來而鎮茲土也勸不以賞威不以罰章視不以采色文章天明而已矣飾聽不以五音六律天聰而已矣比及三年薰然大和民之於上若手足心腹之相投若父兄子弟之相友愛庚戌之冬公始得孫轅門之士府縣之長以至於百司庶民莫不歡欣鼓舞形爲詩歌此果何修而得此哉公之爲治固不離乎耳目之常而有超乎視聽之表者在也夫自府史而上以至於王公其位之崇卑分之親疎不同然其理道之相通一也苟失其道雖尊而王公猶將疾視而咀咒之而況于卑乎苟得其道雖卑而尉尹猶將頌美而祝之而況於尊乎易曰鶴鳴在陰其子和之我有好爵吾與爾縻之言天機所

動不可以人爲參也今之所爲其幾於此矣靖江尹汪君玉以予之辱交於公也詣予曰玉無德于民而公愛我殊甚公於玉爲知己玉能默默居衆後乎予曰可哉干祿百福子孫千億固詩人之所以美上者也矧公德足以當之予於汪尹忝一日之長義不可以不文辭遂書所言使錄以獻以稽公之德以成汪子之志

保定守汪君堅字說

字以易名古也有說何居易名之道以重冠禮云爾說則其義顯其理備不惟冠禮之爲重而已也古之君子擇善欲精取善欲博其於盤盂几杖莫不有傲也況於理之備義之顯者乎此字之有說所以相沿而不能廢

也予僚長旌德汪君幼命名於厥考曰堅其冠也受字
於賓曰子周潛心默識力行有年矣顧字之義猶未有
顯也而問說於予予惟凡物之爲固者莫如玉與石玉
之所在火不能燼也石之所在水不能濡也易以人物
者莫如水火而玉與石獨莫之受惟其堅而已矣人之
處世其是非榮辱窮達得喪之亂吾心與夫聲色臭味
妍媸美惡之亂吾耳目口鼻豈特水火之比而已哉然
而古之君子有不以是非榮辱累心不以窮達得喪易
慮至如耳目口鼻之好淡如也而聲色臭味妍媸美惡
舉無一足以介乎其意者豈其性與人殊耶亦惟執德
之堅不異於玉石而已矣君如欲徵子固之義則告是

說何以加焉。矧君嘗任刑曹守正獻平不撓權貴今而出守保定也。挾一騎携二童子蕭然官舍之間庶幾易之所謂介于石詩之所謂其人如玉者吾知他日進而瑚璉清廟柱石邦家當不異此道也。又豈特姑求其說以自廣而未之有得者耶。故予因君請而遂以是爲復使有以自考而異日有攷于君者亦以審予說之非妄也。

補侯生說項羽辨

漢王四年楚破漢彭城獲太公常置軍中以爲質漢王使辯士陸賈往說項羽請之不聽侯生謂漢王曰無以爲也夫舉大木者呼耶許解搏格者擣禁阨賈誠知詩

書腐儒耳臣請往侯生至楚見項王再拜說之曰臣敢
賀大王之得太公也敢弔大王之不歸太公也項王曰
若何賀侯生曰大王不聞博乎善博者藏機漢王有巴
蜀之饒有諸侯兵之衆不能養銳俟時以輕與大王角
爲大王所敗亡其父母妻子使天下歸強於楚歸弱於
漢此不善用機者也大王得太公據勝勢故臣以爲賀
項王曰若之何弔也侯生曰漢以不善用機故多遺楚
獲今楚有機而不能用臣是以爲大王弔也項王曰何
故侯生曰大王之不歸太公者豈以父子之情能繫漢
王耶臣聞之白刃交前不救流矢先所急也漢王脫身
彭城方以死爲恐豈暇顧其親哉漢誠不急太公留之

楚何益且事有不可知者漢近遣陸賈至楚爲太公請
大王不聽太公已知無還期有如復棄臣言太公一旦
發憤而死雖大王不殺如漢王何大王獨不見日者綰
素之師乎漢王一倡而從者五諸侯國士卒六十餘萬
人楚雖幸而勝天下至今猶以爲曲無他遺之名也今
或不幸而亡太公是再遺漢名也漢王爲人不善用強
而善用計近大王置太公俎上顧爲嫚詞以激怒大王
當是時楚僅不烹耳如烹太公綰素之師復不旋踵矣
人命無常大福不再楚今兵少食盡非昔時比卒然有
變難與漢爭故臣爲大王弔願大王速斷項王默然良
久曰誠歸之恐漢輕我侯生曰不然臣固云機貴善用

今太公在楚漢不得不使人求楚制其機也如大王
發一使約漢王中分天下各罷兵吾歸太公漢雖心不
可其勢宜不敢不聽漢聽則大王有息兵之仁有全人
父子之義天下孰不延頸舉踵以望大王者孰與抱空
質而無所歸乎項王喜曰客言甚善無有以是告寡人
者遂遣使偕生歸定約于是漢王遣張良至楚約項王
中分天下割鴻溝以西爲漢以東爲楚各罷兵歸太公
引而東漢封侯生爲平國君後卒背盟連信越破楚取
天下論曰楚有亡微雖漢完盟不能救然漢之取楚誠
有如侯生云者諺云掩目捕雀微物難欺以生言觀漢
事始終得之矣

或問侯生之說何所取而補之曰三代而下王道蕪
矣秦漢以來英君誼辟其建功立業者皆侯生之所
以論漢王者也夫漢王豈真有意于歸太公哉義帝
之喪假義也太公之請假仁也親義之原泯矣予爲
此說亦匪風下泉之意也

四獸說

酒色財氣世謂之四毒有一于此未有不敗者聞居取
義四獸以自儆省四獸之中盛氣莫如虎而不能不降
伏於嬰兒故釋氏以嬰兒品爲上而老氏亦曰能嬰兒
手列四獸而終之以虎歸重於嬰兒示解毒之方也有
得於此思過半矣

猩猩

猩猩性靈人爲酒以餌之則怒罵而去旣而相謂曰盍試往一嘗乎稍染指則不可解矣彼知酒之爲害而不知染指之不可也知欲之不可近而不能自勝其慾猩猩之染指者也

狐

狐可以惑人而不可以惑犬以媚人人惑之媚犬犬不惑也此無他欲昏之也噫人昏於欲則凡物之可以惑我者豈一端而已乎而其不得與犬比者不旣多乎深長思之當必有惕然者

麝

歸絳香于臍人逐之則剔臍出香而走知香之爲害也
以名富貴聲色貨利之結于人身有不爲人害者乎高
車駟馬帶傾覆從古已然而人莫知省所異于麋者何也

虎

虎食人而不食嬰兒孩提之童不能操挺刃以懼虎亦
未有知力可以衛身而虎莫能傷者其神全也凡遇物
而先動其心皆神失其守者也惡得不爲物所傷乎故
學道者能如嬰兒則物莫能傷矣

鄉愿論

昔者孔子論道則取有恒論治則小管仲之器夫管仲
之功有恒者未必能爲也聖人顧不取彼而取此者何

欺蓋言人之身以心爲主心正而後百行可立彼有恒者真心不失可以進於聖人君子之域乃天德王道之基也管氏竊聖人之仁義以濟其私棄其本心而假借於外其去有恒遠矣此孔子所以小之也夫自有書契以來至堯而始有允執厥中之傳執中者心法也至舜而益之以人心惟危道心忒心惟危道心忒精惟一之精惟一之三言又申之以無稽之言勿聽弗訂之謀勿庸之兩言而心法備矣精者精此心也精則純純則一精則純純則一無所執而無所不執是此道也道心微妙道心微妙一則雖一無所執而無所不執是之謂中是之謂允執中一者執中之功也中道存則權之於古而與古人之心一詢之于人而與今人云

心一吾心也。古今之人之心一而後精一可信。中道可行則勿聽勿庸之二言者。又執中之防也。聖人既審其功。又嚴其防。則邪說無所容。中道得明于天下。此堯舜之道所以至今不廢也。夫何三代而下。乃有鄉愿者。竊堯舜之似以亂其真。其忠信堯舜之忠信也。然非有忠信之心也。竊忠信之似而已。其廉潔堯舜之廉潔也。然非有廉潔之心也。竊廉潔之似而已。竊其似以自居。而至于無可非。無可刺。竊其似以施諸人。而能同流合污。以通乎人情。愈非愈。似愈似愈。非則精一之功不復可施。聖人之心法泯矣。猶且自以爲是。而曰何必慕古也。是無稽也。以媚世爲心。而曰何必蹢躅涼涼也。是弗詢。

也無

弗詢是庸又舉堯舜所以爲害道之防者

而廢之則真心隔絕中道不明將使天下之人何所依
據以入聖人之域哉孔子所以惡之而謂之賊也賊者
害人者也害人有大小則穿窬之盜與殺人之盜不同
害道亦有大小則色厲內荏與鄉愿亦不同孔子以色
厲內荏畏心猶存者爲穿窬以肆行無忌失其本心如
鄉愿者爲賊誅心以定罪也于少正卯者言行學術皆非與
非罪之緣罪以正法也彼少正卯者言行學術皆非與
僞而能以其堅辯潤博之私門十魯國謂非鄉愿之流
故此義行而後堯舜之道明堯舜之道明而後爲治者
不得以五伯之道亂治功也學者不得以鄉愿之道亂

學術至于今皆孔子之功也孟子學孔子者也關楊墨而無父無君之說不得行關告子陳仲子子莫之流而外義亂倫執一者不得作其亦孔子惡鄉愿之意歟然則堯舜之道所賴以不墜者不惟孔子亦孟子之功也噫循孔孟之言以泝精一之傳則凡學而不根諸心者皆非堯舜之道也獨鄉愿乎口耳其學者竊博文之名助襲其學者竊集義之名不能誠身而以講說之明者爲明善不能菴月守而以摹擬之近似者爲能擇乎中庸岐知行爲兩途分尊德性與道問學爲二事若是而從之是驅天下而納之鄉愿之術也噫猶幸有孔孟之說在也是爲論